



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm XLII. Si proponente.

[urn:nbn:de:hbz:466:1-62559](#)

142 Decret. Greg. Lib. I. Tit. III. Cap. XL. I. II.

iun. Gl. ver. per literas generales, & dixi de
hoc in c. 1. hoc tit.

2. NOTANDVM II. Licet collatio bene-
ficiorum diocesis ad Episcopum iure or-
dinario pertineat, c. cum ex iniuncto 12. in
fine de haeret. iure tamen speciali, siue con-
suetudinis, siue priuilegij, quandoque infe-
riori competit; v. g. Abbatii, aut Capitulo,
prout videre etiam est in c. cum aliquibus
4. hoc tit. in 6.

NOTANDVM III. Pontifex non tam
ad ecclesiam attendit, ne vna pluribus gra-
tis expectatiis grauetur: quam ad colla-
torem, ne vni plura talia mandata impo-
natur, prout Ioann. Andr. & Abb. hic anno-
tarunt, & confirmari potest ex c. presenti 3.
de off. legati in 6.

CAPITVLUM XLI. Ab excommunicato.

PARAPHRASIS.

Prælatus quidam subditum excommunica-
uit, non seruatā formā Concilij Lateran. in c. sacro, de sentent. excommunicat. vbi requiritur, vt antecedat monitio cano-
nica, causa rationabilis, & manifesta. Ex-
communicatus querelam detulit ad Pon-
tificem: is rescrit, ac mandat Excom-
municatori, vt hominem non mota diffi-
cilitate absoluat. Sin autem parere recu-
set, deputantur alij iudices, qui mandatū
Apostolicum exequantur, & absolutio-
nem impertiant. Verum in rescripto Pon-
tificis addita fuit clausula (*si ita est*) de
qua dubitatur, an referatur ad excom-
municatorem, quasi is cognoscere de-
beat, num excommunicatio legitimè,
necne inficta fuerit; an vero talis cogni-
tio ad iudices delegatos pertineat: & hoc
posteriorus affirmat Gregorius IX. additā
ratione, quia cum excommunicator de
proprio factō certus sit, frustra ipsi co-
gnitio causæ committeretur.

S V M M A R I V M.

1. Rescriptum directum ad Excommunica-

torem, ut absoluat excommunicatum de
iniusta excommunicatione querentem,
illo nolente absoluere, delegatis iudici-
bus, causā ab ijs cognitā, absolutionem
mandat.

2. Ignorantia facti proprij ordinarij non
presumitur, sed alieni.

NOTANDVM I. Si excommunicatus
ad excommunicatoris Superiorē de
iniusta excommunicatione querelam defe-
rat, Superior remittit eum pro absolutione
ad excommunicatorem; delegatis iudici-
bus, qui nolente illo absoluere, causā cogni-
tā, absolutionem conferant: Excepto, si pe-
riculum in mora sit; vel si excommunica-
tio notoriè iniusta sit: Tum ipsem Super-
ior hominem statim absoluat; vel declara-
bit nunquam ligatum fuisse, si excommuni-
catio non tantum iniusta, sed etiam inuali-
da fuerat, iuxta ea quæ dixi in Th. moral.
lib. 1. tr. 5. p. 1. cap. 6. Videri potest c. ad re-
primendam 8. & quæ ibi dicentur, de offic.
Ordinarij, Abb. hic n. 12. & seqq.

NOTANDVM II. Ignorantia facti pro-
prij ordinarij non presumitur, sed alieni.
Ita sumitur ex text. c. in fine. Et est hæc li-
mitatio quædam reg. 47. in 6. prout etiam
dixi in c. 2. de Constitut., & videri potest
Gaij. lib. 2. obs. 48. n. 21.

CAPITVLUM XLII.

Si proponente.

PARAPHRASIS.

Aliquis modicum beneficium obtinens, ex
quo sufficienter sustentari non poterat,
& proponens Pontifici, se nullum bene-
ficium habere, impetravit rescriptum de
provisione faciendâ. Tale rescriptum sub-
reptitum & irritum est.

S V M M A R I V M.

1. Rescriptum ad beneficium, & eiusdem
collatio à Papa impetrata, non facta
men-

mentione beneficij habiti , quantumuis modici subreptitia & irrita est.

NO T A N D V M Vn. Non tantum beneficij collatio à Papa impetrata, non facta mentione beneficij habiti , quantumuis modici, obreptitia & irrita est, c. si motu 23. de præbend. in 6. sed etiam gratia & rescriptum ad beneficium obtainendum. Tametsi verò casus c. huius propositus sit in suggestione falsi; idem tamen sentiendum de suppressione veri, prout Gl. sentit in princ. huīus c. Saltem ita dicendum, spectato hodierno iure, & consuetudine seu stylo Curiæ, qui ius facit, c. quām graui, 6. de crimine falsi, & annotauit Imola hic n. 3. Intelligi autem debet de omni beneficio propriè dicto, siue quod in titulum datur perpetuum , siue temporalem, prout notauit Felinus c. in nostra n. 8. hoc tit.

Obijci potest: Error siue ignorantia beneficij modici, non sufficientis ad sustentationem, non est causa gratiae aut rescripti de altero beneficio; quia etsi sciuisset Papa, beneficium contulisset, aut conferri mandasset: Ergo non debet dici gratia aut rescriptum obreptitium. Confirmatur: Cum modica æstimari non soleant, ideo beneficium modicum siue exiguum quasi non beneficium est. Resp. ad obiectionem, neg. consequent. Quia si stylus Curiæ expressionem alicuius rei in rescriptis exigat, censetur pertinere ad formam eorum: & ideo non attenditur, num taciturnitas eius rei fuerit causa confessionis, necne, prout dixi in c. super literis 20. hoc tit. Ad Confirmat. dico: Nullum beneficium ita modicum, aut non æstimabile esse eo respectu, ut nulla ipsius in alterius à Sede Apostolica impetratio ratio habenda sit: Idq; propter cauendas deceptions, aliaque incommoda salubriter statutum. Videatur Azor tom. 2. Instit. lib. 6. c. 10. q. 3.

CAPITVLVM Vlt. Quia nonnulli.

PARAPHRASIS.

Aliqui rescriptis Apostolicis ad lites varijs

modis abutebantur. Vel enim nomine suo literas impetrans alteri, cui idem erat nomen, tradidit, & is, qui ita accepit, quoslibet indebet fatigavit: Vel impetravit aliquis literas contra eas personas, quibuscum nil ipsi controuerse erat: Vel literas impetratas ad controuersiam decidendam traxit, quæ tempore impetrationis orta non fuit: Vel ad diuersos iudices varia super uno negotio rescripta impetravit: Vel etiam super pluribus negotijs seu personalibus actionibus, quæ commodiūs coram uno iudice expediri possent, idque fatigandi aduersarij causâ, vt litem componi patiatur, aut iure suo cedat: Vel denique reus reconuenire volens actorem suum, literas & ipse aduersus actorem impetravit ad iudices diuersos, aut vt comparat in villa, v. g. Tusulanâ, cùm plures eiusdem nominis villæ essent, vt si non comparauisset, tanquam contumax excommunicaretur, & ita ab actione repelleretur. Hi omnes, & singuli, uno ex dictis modis rescripto Apostolico abutentes, eius commido carere, & aduersario ad expensas, & damna condemnari debent.

S V M M A R I V M.

1. *Rescripta iustitiae sunt iura personalia, ideo alteri non possunt cedi, nec transiunt ad successorem aut heredem, nisi fuerint impetrata nomine dignitatis, vel beneficij.*
2. *Rescriptum ad lites cum clausula, Et quibusdam alijs causis, non excedit se ad causas, quæ post impetracionem exortæ sunt; Rescriptum ad beneficium vacaturum non ad eas, quæ post datam literarum de novo instituta sunt.*
4. *Nemo super uno eodemque negotio ad diuersos iudices trahi debet.*
4. *Qui aduersarium indebet fatigat, expensas compensare cogitur à Indice in eâ causâ delegato.*
5. *Sed tum demum ad eas condemnare hic index debet, si aduersarius petat.*

Index